

Hans Beck und seine Frau Ursula in Brand verkaufen dem Stefan Schädler und seiner Frau Elsa am Triesnerberg ihr Gut im Guggerboda für 188 Pfund Pfennig.

Or. (A), GemA Triesenberg, U22. – Pg. 33/19,4 cm. – Siegel in Holzkapsel abh., Siegelbeschreibung und Abb. bei Liesching/Vogt, Siegel, S. 142, Nr. 148.

Ich^{a)} ꝛ Hans Beck, so man nent Wissbeck, yetz sesshafft in Brand¹ vnd ich Ursula sein eliche husfrow bekennen off- ||² ennlich für vnns vnd all vnns erben vnd thū kunth aller mengklich mit dem brieft, das wir recht vnd redlich verkofft ||³ vnd zū koffen geben haben, ouch innsunder mit gonnst wissen vnd willen Abrechten Wolffen² der zeit aman zū ||⁴ Vadutz³, ains stetten ymer werenden vnd ewigen koffs dem beschaidnen Stefa Schedler am Trisnerberg⁴ gesessen l⁵ vnnd Elsa seinem elichen wib vnd allen iren erben vnns eigen gūt im Gugerboden⁵ zū dem Brunnen⁶ am berg geleg- l⁶ en, stost vnen an Anndras Thenes seines brüders gūt vnd Clas Niken, zū der anderen an ander des koffers eigen l⁷ gūt, vffwert an Stain ans Gewelb⁷, oben grad hinaus in das Brinle⁸, von dem Bründle hinab vnder den grossen anhorn⁸ in den marckstain, von dem selben marckstain in vndern, von dem vnderen an Wilhalm Schurtes gūter, mit l⁹ sampt dem hus vnd stadel, so dar vff stat. Alles mit grund gratt wunn waid holtz veld gestūd gerūt mit l¹⁰ steg mit weg mit trib mit tratt mit tach mit gemach mit zimer mit wasser wasserlaitinen mit wasserflüssen l¹¹ mit holtz mit veld vnnd sonnst gantz gemainlich mit allen gewonhaiten zūgehörden vnd rechten gar nichts l¹² vsgenomen noch hindan gesetzt für frey ledig los vnnd von mengklichem vnuerkymbert, danne so verr das l¹³ ainer herrschafft zū Vadutz jerlich vier schiling pfening zins darab gat vnd gaun sol. Vnnd ist der ewig l¹⁴ koff beschehen vmb hundertt achtzig vnd acht pfund pfening alles Costentzer mūntz Velkircher werung, l¹⁵ deren wir von inen also bar zallt vnd vsgericht seind nach vnnserrn willen vnd gūten beniegen. Hiervff l¹⁶ dis koffs vnd aller gemelter ding, wie dann obstat, sōllen vnd wōllen wir vnd all vnns erben inen vnnd l¹⁷ allen iren erben krefftig getrw weren vnd fürstender sein vor allen lūten vnd gerichtten, gaistlichen vnd weltlichen, l¹⁸ nach lands recht vnd nach dem rechten one iren costen vnd schaden. Vnd des zū vestem vnd warem l¹⁹ vrkund so haben wir mit ernst erbetten den obgenanten aman, das er sein eigen innsigel zū ainer waren l²⁰ gezūknūs der sach offennlich gehenckt hatt an den brief, doch ime vnd seinen erben one schaden. Der geben l²¹ ist vff sant Nicolas abend nach Cristi gepurtt fünffzechenhundert vnd zehen iar.

^{a)} *Initiale J, 13,5 cm lang.*

¹ *Brand, Vorarlberg (A).* – ² *Albrecht Wolf, 1509-1513.* – ³ *Vaduz.* – ⁴ *Triesenberg.* – ⁵ *Guggerboda, ebd.* – ⁶ *Brunnen, Name abg., ebd.* – ⁷ *Steingewelb, Name abg., ebd.* – ⁸ *Brünnli, Name abg., Gem. ebd.*